



Broj: 01/GV-27-7696-3/24
Cazin, 12.06.2024. godine

Na osnovu člana 363. Zakona o stvarnim pravima ("Službene novine F BiH", broj: 66/13 i 100/13), člana 5., 7. i 8. Pravilnika o postupku javnog konkursa za raspolaganje nekretninama u vlasništvu F BiH, kantona, općina i gradova („Službene novine F BiH“ broj: 17/14), Odluke o uvjetima raspolaganja nekretninama i mjerama poticaja poduzetništva na području poslovne zone „Ratkovac“ („Službene novine Grada Cazin“, broj: 3/18, 1/19, 4/20, 7/22 i 7/24) i Odluke Gradskog vijeća Cazin o načinu i uvjetima raspolaganja nekretninama u vlasništvu Grada Cazina broj: 01/GV-27-7696/24 od 30.05.2024. godine, Komisija za sprovođenje javnog konkursa prodaje nekretnina u vlasništvu Grada Cazina u PZ „Ratkovac“ o b j a v l j u j e

J A V N I K O N K U R S

o prodaji nekretnina u vlasništvu Grada Cazina u PZ „Ratkovac“

1. Grad Cazin prodaje nekretnine, neizgrađeno građevinsko zemljište, označene kao k.č. broj: 2110/3, zvana „PZ RATKOVAC“, livada 2. klase, u površini od 6500 m², upisana u posjedovni list broj: 2723, k.o. Begove Kafane, posjed Općina Cazin sa dijelom 1/1, prema novom katastarskom operatu, a što po starom katastarskom operatu predstavlja nekretninu označenu kao k.č. broj: 572/15 zvana „Ratkovac“, livada 2. klase, u površini od 6500 m², upisana u ZK uložak broj: 1965, k.o. SP Čoralići, vlasništvo Grad Cazin, a u svrhu izgradnje poslovnog objekta u skladu sa Odlukom o provođenju Zoning plana Poslovne zone „Ratkovac“, kako slijedi:

- Minimalna korisna površina objekta: 2600 m²
- Maksimalna korisna površina objekta: 13000 m²
- Maksimalna zauzetost parcele: 70%
- Maksimalna spratnost: nije ograničena
- Dozvoljene i uslovno dozvoljene djelatnosti, definirane Odlukom o klasifikaciji djelatnosti BiH 2010 („Službeni glasnik BiH“, broj: 47/10):

-Dozvoljene djelatnosti:

Područje C – Prerađivačka industrija,

Oblasti: 10, 11, 12, 13, 17, 18, 21, 22, 25, 26, 27, 28, 29, 30, 31, 32, 33

Grane: 14.3, 15.2, 20.3, 20.4, 20.6, 23.1, 23.2, 23.3, 23.4, 23.9, 24.2, 24.3

Razredi: 14.12, 14.13, 14.14, 14.19, 15.12, 16.21, 16.22, 16.23, 16.24, 20.16, 20.17, 20.52, 20.53

Područje G - Trgovina na veliko i na malo; popravak motornih vozila i motocikala

Razred: 45.20

-Uslovno dozvoljene djelatnosti (trgovina direktno vezana za plasman vlastitih proizvoda, odnosno za pretežnu djelatnost koja se obavlja u objektu i da korisna površina dijela objekta koji će se koristiti za trgovinu ne može biti veća od 200 m²).

Područje G - Trgovina na veliko i na malo; popravak motornih vozila i motocikala

Razredi: 45.31, 45.32, 46.41, 46.42, 46.47, 46.49, 46.51, 46.52, 46.61, 46.62, 46.63, 46.64, 46.65, 46.66, 46.69, 46.72, 46.73, 46.74, 46.76, 47.41, 47.42, 47.51, 47.52, 47.53, 47.59, 47.64, 47.71, 47.72

2. Prodaja nekretnina iz tačke 1. ovog konkursa će se obaviti putem javnog nadmetanja – licitacije, dana 04.07.2024. godine (četvrtak), u prostorijama Vijećnice Gradskog vijeća Cazin, sa početkom u 14,00 sati.

3. Pravo učešća na licitaciji imaju sva pravna lica, koja u roku utvrđenom u ovom Javnom konkursu dostave slijedeću dokumentaciju:

1. Pisanu prijavu za učešće na licitaciji,
2. Ugovor o zajedničkom nastupanju, ako se radi o dva ili više pravnih lica.
3. Ako učesnik licitacije nastupa kao punomoćnik, punomoć u formi notarski ovjerene isprave.
4. Izvod iz sudskog registra (ne stariji od 3 mjeseca od dana objave ovog javnog konkursa, original ili ovjerena kopija),
5. Potvrdu Porezne uprave i UIO (ukoliko je PDV obaveznik) da nema dospjelih, a neizmirenih dugovanja (ne starije od 1 mjeseca od dana objave ovog javnog konkursa, original ili ovjerena kopija),
6. Potvrdu da nema dugovanja prema Gradu Cazinu, kao ni prema pravnim osobama kojima je osnivač Grad Cazin (JKP „Vodovod“ d.o.o. Cazin, JKP „Čistoća“ d.o.o. Cazin, JU „Komunalno stambeni fond“ Cazin), (ne starije od 1 mjeseca od dana objave ovog javnog konkursa, original ili ovjerena kopija),
7. Popunjen obrazac plana investicije (obrazac - propisanu formu zatražiti na mail: mujakic@gmail.com ili preuzeti u sobi br. 27 gradske uprave).
8. Pisanu izjavu, u formi notarski ovjerene isprave, slijedećeg sadržaja:
„U potpunosti prihvatam slijedeće uslove:
 - a) Da u roku od 3 (tri) mjeseca, od dana potpisivanja kupoprodajnog ugovora, podnesem kompletan zahtjev za izdavanje lokacijske informacije za izgradnju objekta, gdje se pod potpunim zahtjevom smatra da je isti podnesen sa svim, zakonom i drugim propisima predviđenim priložima, te da su predviđena namjena, dimenzije i spratnost objekta dozvoljene Izmjenama i dopunama Zoning plana poslovne zone „Ratkovac“ Cazin.
 - b) Da u roku od 12 (dvanaest) mjeseci, od dana pribavljanja lokacijske informacije iz tačke a) podnesem kompletan zahtjev za izdavanje odobrenja za građenje objekta, gdje se pod potpunim zahtjevom smatra da je isti podnesen sa svim, zakonom i drugim propisima predviđenim priložima, kao i da se zahtjev odnosi na lokaciju kupljene nekretnine i u svemu prema uslovima iz lokacijske informacije izdane za taj objekat.
 - c) Da na kupljenoj nekretnini izgradim kompletan objekat, u skladu sa lokacijskom informacijom i odobrenjem za građenje i za njega pribavim odobrenje za upotrebu u roku od 20 mjeseci od dana pravosnažnosti odobrenja za građenje.
 - d) da u slučaju neispunjenja gornjih rokova, za svaki mjesec kašnjenja platim penale u visini od 1 KM/m² kupljene nekretnine.
 - e) Da ću ukoliko se na nekretninama kupljenim putem ovog Konkursa, u skladu sa članom 115. Zakona o prostornom uređenju i građenju („Službeni glasnik USK“, broj: 12/13, 3/16, 15/20 i 10/22) do izdavanja odobrenja za upotrebu građevine izvrši promjena investitora, kupoprodajnim ugovorom na novog investitora prenijeti sve obaveze, prava i sve uvjete iz kupoprodajnog ugovora za nekretnine kupljene putem ovog Konkursa, potpisanog sa Gradom Cazin, odnosno da će se prenijeti sve obaveze, prava i svi uvjeti iz Odluke o uvjetima raspolaganja nekretninama i mjerama poticaja poduzetništva na području poslovne zone „Ratkovac“ i da ću o tome odmah pismeno obavijestiti Službu za privredu i razvoj Grada Cazin.
 - f) Sve gore navedeno će biti ugrađeno u kupoprodajni ugovor.“

9. Dokaz o uplati kaucije.

4. Početna prodajna cijena nekretnina iz tačke 1. ovog konkursa iznosi 110.370,00 KM (stotinudesethiljadatristotinesedamdeset i 00/100 KM).

5. Za učešće na licitaciji, učesnik je dužan uplatiti kauciju u iznosu od 11.037,00 KM (jedanaesthiljadatridesetsedam i 00/100 KM), na žiro račun Grada Cazina broj: 141-411-00005395-71 (Organizacioni kod budžetskog korisnika: 0101001, VRSTA PRIHODA: 722791), s naznakom „kaucija za licitaciju nekretnina“.

Učesnicima čija se ponuda ne prihvati, izvršiće se povrat položene kaucije na tekuće račune i to u roku od sedam dana od dana održavanja licitacije.

Ako učesnik licitacije čija je ponuda utvrđena kao najpovoljnija, odustane od zaključenja pismenog kupoprodajnog ugovora, gubi pravo na povrat položene kaucije.

6. Zainteresovana lica mogu izvršiti razgledanje nekretnina iz tačke 1. ovog konkursa, te izvršiti uvid u potrebnu dokumentaciju, svaki radni dan do 03.07.2024. godine, u vremenu od 11 do 14 sati u prostorijama gradskog organa uprave Cazin, soba broj 27 i dobiti potrebne informacije na telefon: 062/926-669.

7. Sa učesnikom licitacije čija je ponuda utvrđena kao najpovoljnija, zaključiće se kupoprodajni ugovor, nakon pribavljenog mišljenja gradskog pravobranioca Grada Cazin, a u roku ne dužem od 3 (tri) mjeseca. Učesnik licitacije sa kojim se zaključi kupoprodajni ugovor, dužan je uplatiti cjelokupan iznos postignute kupoprodajne cijene, umanjen za iznos kaucije, odmah nakon zaključenja ugovora, a predaja nekretnina u posjed, izvršiće se najkasnije u roku od sedam dana od dana uplate kupoprodajne cijene zemljišta.

8. Prilikom pribavljanja odobrenja za građenje, investitor je dužan platiti naknadu po osnovu prirodnih pogodnosti – rentu, čija će se visina utvrditi u postupku izdavanja odobrenja za građenje, kao i naknadu za uređenje građevinskog zemljišta, čija će se visina utvrditi nakon pribavljanja lokacijske informacije.

9. Učesnik licitacije čija je ponuda utvrđena kao najpovoljnija, stiče prava koja će biti definisana kupoprodajnim ugovorom, a radi se o slijedećem:

- subvencioniranje 100% iznosa gradskih administrativnih taksi za pribavljanje kopija katastarskog plana parcele, posjedovnih listova, izdavanje lokacijske informacije, odobrenja za građenje i odobrenja za upotrebu objekta (odmah nakon potpisivanja ugovora),

- subvencioniranje 50% iznosa rente i naknade za uređenje građevinskog zemljišta (nakon pribavljanja odobrenja za upotrebu),

- subvencioniranje 100% iznosa troškova priključenja na napajanje vode i kanalizacijsku mrežu (nakon pribavljanja odobrenja za upotrebu),

- subvencioniranje 100% iznosa troškova komunalne takse za istaknuti naziv firme za prve tri godine rada u poslovnoj zoni (nakon pribavljanja odobrenja za upotrebu),

o čemu se donosi posebno rješenje.

- trajno pravo služnosti na saobraćajnicama u obuhvatu Poslovne zone „Ratkovac“,

- u skladu sa članom 115. Zakona o prostornom uređenju i građenju („Službeni glasnik USK“, broj: 12/13, 3/16, 15/20 i 10/22), sve do izdavanja odobrenja za upotrebu građevine može se izvršiti promjena investitora, ali pod uslovom da se kupoprodajnim ugovorom na novog investitora prenesu sve obaveze, prava i svi uvjeti iz ranije potpisanog ugovora između učesnika licitacije čija je ponuda utvrđena kao najpovoljnija i Grada Cazin, odnosno da se prenesu sve obaveze, prava i svi uvjeti iz Odluke o uvjetima raspolaganja nekretninama i mjerama poticaja poduzetništva na području poslove zone Ratkovac.

U slučaju iz prethodnog stava, učesnik licitacije čija je ponuda utvrđena kao najpovoljnija, dužan je o tome odmah pismeno obavijestiti Službu za privredu i razvoj Grada Cazin.

10. Krajnji rok za dostavljanje prijave i potrebne dokumentacije je 03.07.2024. godine do 15,00 sati, uz obavezu da iste u naznačenom roku budu zaprimljene na protokol Jedinog gradskog organa uprave Cazin.

Lica čija prijava i potrebna dokumentacija ne budu dostavljeni u naznačenom roku, nemaju pravo učestvovati u licitaciji.

11. Uredno kovertirane prijave sa naznakom:

"Prijava na Javni konkurs o prodaji nekretnina Grada Cazina - NE OTVARATI",

dostaviti preporučeno putem pošte ili neposredno na protokol Jedinog gradskog organa uprave Cazin, na adresu:

GRAD CAZIN

KOMISIJA ZA SPROVOĐENJE JAVNOG KONKURSA

Trg Prvog predsjednika Predsjedništva R BiH Alije Izetbegovića 1

77220 Cazin, BiH

PREDSJEDNIK KOMISIJE
Mujakić Ibrahim, ing. građ.S.R.